

Anugerah Puspanita jadi pemangkin semangat

SINAR HARIAN (UAMPUS) 5/12/17 (SELASA) M/S-25

KUANTAN - Penerima

Anugerah Puspanita di Majlis

Konvokesyen Ke-12 Universiti

Malaysia Pahang (UMP),

menjadikan sokongan ibu bapanya sebagai pembakar semangat dalam mengejar impian.

Nurnajat Nadira Abdul Rahman, 24, berkata, dia tidak menyangka dipilih menerima anugerah yang baru diperkenalkan di majlis tersebut yang merupakan hasil sumbangan Persatuan Suri & Anggota Perkhidmatan Awam Malaysia (Puspanita).

"Anugerah ini akan terus jadi pemangkin semangat untuk terus menyumbang bakti kepada komuniti dan masyarakat.

"Selain itu, doa serta sokongan kedua ibu bapa, Abdul Rahman Abdullah, 57, dan Rohani Yahaya, 52, serta kawan-kawan juga menjadi antara penyumbang kejayaan.

"Dengan adanya mereka, dalam masa sama bantu memotivasi diri saya untuk terus menamatkan pengajian dengan cemerlang," katanya.

Anak kelahiran Alor Setar, Kedah yang merupakan penerima Ijazah Sarjana Muda (Kepujian) Kejuruteraan Awam Fakulti Kejuruteraan Awam & Sumber Alam (FKASA) itu berkata, sepanjang tempoh pengajian di UMP, dia telah berjaya menganjurkan pementasan teater muzikal berskala besar melibatkan kampus Pekan dan Gambang dengan kerjasama RTM serta beberapa agensi luar.

"Kejayaan ini telah membuktikan



Nurnajat bersama kedua ibu bapanya selepas menerima Anugerah Khas Puspanita di Majlis Konvokesyen UMP ke-12.

kebolehan diri saya bersama-sama mahasiswa UMP lain yang berlatar belakangkan pelbagai jurusan teknikal juga mampu berkarya dan berseni," katanya.

Sementara itu, anak ketiga daripada lima adik-beradik ini turut menyifatkan UMP adalah sebuah institusi mesra mahasiswa yang mana pihak pengurusan memberi sokongan penuh terhadap setiap aktiviti-aktiviti anjuran mahasiswa.

Katanya, penerimaan anugerah tersebut diharapkan dapat memberi inspirasi kepada mahasiswa lain untuk terus aktif dalam aktiviti luar kampus tanpa mengetepikan pencapaian akademik.

Terdahulu, Majlis Konvokesyen UMP kali ke-12 yang berlangsung baru-baru ini menyaksikan seramai 2,845 graduan UMP menerima ijazah dan diploma masing-masing di Dewan Kompleks Sukan UMP Kampus Gambang.